

Broj: 02C-3285-9/26

Sarajevo, 24.04.2026. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku, broj: 02C-3285-7/26 od 21.04.2026. godine, u postupku javne nabavke usluga – Održavanje aparata proizvođača LEICA, JN-16/26, direktor Javne ustanove Opća bolnica „Prim. dr. Abdulah Nakaš“, donio je

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 02C-3285-7/26 od 21.04.2026. godine, za javnu nabavku usluga – Održavanje aparata proizvođača LEICA, te se Okvirni sporazum dodjeljuje ponuđaču „New Technology“ d.o.o. Sarajevo, ponuda dostavljena dana 20.04.2026.godine, za ponuđenu cijenu 18.873,43 KM bez uračunatog PDV-a, odnosno 22.081,91 KM sa uračunatim PDV-om kao jedinom i prihvatljivom ponuđaču, na dvogodišnjem nivou.

Vrijednost norme sata iznosi 85,00 KM bez PDV-a, odnosno 99,45 KM sa PDV-om.

Član 2.

Postupak iz člana 1. ove Odluke proveden je metodom „konkurentski zahtjev za dostavu ponuda“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

Član 3.

Nakon prijema i evaluacije ponuda konstatovano je da je ponudu za predmetnu nabavku dostavio 1 (jedan) kvalifikovani ponuđač i to „New Technology“ d.o.o. Sarajevo.

U skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22 i 50/24).

U predmetnom postupku nije bilo nekvalifikovanih ponuđača.

Član 4.

Izabrani ponuđač „New Technology“ d.o.o. Sarajevo oslobađa se obaveze da dostavi originale ili ovjerene kopije dokumentacije iz člana 45. Zakona o javnim nabavkama, obzirom da je iste dostavio uz ponudu.

Član 5.

Prijedlog Okvirnog sporazuma dostavlja se na potpis izabranom ponuđaču uz Odluku o izboru najpovoljnijeg ponuđača.

Član 6.

Ova Odluka objavit će se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke sproveden je putem konkurentskog zahtjeva za dostavu ponuda, broj tendera JN-16/26, a isti je pokrenut Odlukom o pokretanju postupka javne nabavke, broj: 02C-3285-1/26 od 03.04.2026.godine. Komisija za nabavku, imenovana je Rješenjem broj: 02C-3285-2/26 od 03.04.2026. godine.

Procijenjena vrijednost javne nabavke iznosi 19.332,00 KM bez uračunatog PDV-a.

Obavještenje o nabavci broj 1125-7-2-100-3-212/26 objavljeno dana 09.04.2026.godine na Portalu javnih nabavki, a sažetak obavještenja objavljeno je u „Službenom glasniku BiH“ br. 27/26 dana 17.04.2026.godine.

Komisija za predmetnu javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: 02C-3285-6/26 od 21.04.2026. godine, Preporuku o izboru najpovoljnijeg ponuđača broj: 02C-3285-7/26 od 21.04.2026. godine i Izvještaj o radu broj: 02C-3285-8/26 od 21.04.2026. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno da je u predmetnom postupku blagovremeno primljena jedna ponuda i da nije bilo neblagovremeno primljenih ponuda.

Ponuda Ponuđača „New Technology“ d.o.o. Sarajevo ispunjava sve tražene uslove u pogledu opisa predmeta nabavke i tehničke specifikacije za predmetnu nabavku.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu početne i konačne ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14, 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke („Sl. glasnik BiH“ broj: 103/14 i 49/23) i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Amra Mulaosmanović, BA prava
Službenik za javne nabavke

Kontrolisala:

Aldijana Eco Ajkunić, BA prava
Šef Odsjeka za javne nabavke



DIREKTOR

Prof. dr. Ismet Gavrankapetanović

Dostaviti:

- „New Technology“ d.o.o., Nova cesta 11, 71 320 Vogošća
- Odsjek za javne nabavke
- Odjeljenje za ekonomsko-finansijske poslove
- Odjeljenje za tehničke poslove i investicije